



Rovviltnemnda i region 1

Vestland, Rogaland og Agder

Rovviltnemnda region 1

Dykkar ref:

Vår ref.:
2026/9314

Arkivnr.:
433.52

Dato:
15.06.2026

Protokoll frå møte i rovviltnemnda i region 1, 8. juni 2026

Frå rovviltnemnda deltok: Noralv Distad, Trude Brosvik, Kine Bratli Dale, Fredrik Jensen og Harald Halvorsen Løland. I tillegg møtte vara i Rogaland, Anne Kristin Bruns.

Frå sekretariatet: Hermund Mjelstad og Siri W. Bøthun.

Tilhøyrar: Aktivt rovdyrvern ved Lena Nerhus.

Sak 04/2026 Lisensfelling av jerv

Saksopplysningar

Lisensfellingsperioden for jerv er 20. august til 15. februar. Det er ikkje nasjonale mål om ynglingar av jerv eller anna rovvilt i Region 1. Rovviltnemnda har difor alltid mynde til å kunne vedta kvote for lisensfelling etter rovviltforskrifta §7. I Region 1 er det store beiteinteressar, og tiltak mot rovviltskade vil i stor grad vere ulike former for felling. Stortinget har m.a. i rovviltforliket frå 2011 understreka at lisensfelling skal vere viktigaste reiskapen for felling.

Det er likevel slik at også i Region 1 skal ein ta omsyn til nasjonale mål for jerv. Difor er det og krav om fastsetting av kvote. Rovviltnemnda skal legge til grunn data frå nasjonalt overvakingsprogram, Statens naturoppsyn (SNO) sin dokumentasjon av førekomsten av jerv i Region 1 og tilgrensande område i spesielt Region 3, og skadesituasjonen ved vedtak om lisensfelling på jerv (jf forvaltingsplanen pkt 8.7). Klima- og miljødepartementet har i handsaming av klagesaker streka under at *"prinsippet om arealdifferensiering ikke er ensbetydende med at områder som er prioritert til beitebruk til enhver tid skal være frie for*

Postadresse:
Rovviltnemnda i region 1
c/o Statsforvaltaren i Vestland
Njøsavegen 2
6863 Leikanger

Leiar for rovviltnemnda:
Noralv Distad
Vinjavegen 1, 5745 Aurland
Telefon: 91374976

Sakshandsamar:
Hermund Mjelstad
Telefon 57643124

Noralv.Distad@vlfk.no
<http://www.statsforvaltaren.no/vl>

fmsfhm@fylkesmannen.no

Rovviltnemnda region 1
<https://prosjekt.fylkesmannen.no/Rovvilt-nemnda-region-1/>

rovvilt, eller at beitedyr skal utelukkes i områder hvor rovdyr gis prioritet.” På den andre sida seier forvaltningsplanen at rovpattedyr med skadepotensiale er uønska i regionen.

Rovviltforliket gjentek regjeringa si hovedprioritering av lisensfelling som hovudregel for uttak av jerv. Ekstraordinære uttak skal haldast så låge som råd. Samstundes er det sagt at ”*i de tilfeller der lisensfelling ikke gir tilfredsstillende uttelling, skal miljøforvaltningen så langt det er mulig sørge for at resterende kvote tas ut i de områdene lisensfellingskvote er gitt. Uttak i det som av rovviltnemndene er definert som prioriterte beiteområder i de enkelte regionene blir prioritert.*” Region 1 er fullt ut definert som prioritert beiteområde.

Pr 28. mai i år er det registrert 45 ynglingar i landet så langt i 2026 (51 i 2025). Det er enno tid att i arbeidet med hiregistreringar, slik at desse tala vil kunne endre seg (auke) noko. Miljødirektoratet/SNO har ikkje dokumentert yngling i region 1 per i dag. Det er registrert seks ynglingar i region 3, (Oppland), førebels ingen i Sjøk kommune som ligg nærast t.d. Luster kommune. Nasjonalt bestandsmål er 39 årlege ynglingar. Rovdata legg fram offisielle tal 1. oktober.

I vår region har det pr. 28.05.2026 vore ekstraordinært uttak av tre hannjervar, alle i Luster kommune. I løpet av lisensjakta i sesongen 2025/2026 vart ingen jerv felt.

Det er jerv i heile området i Indre Sogn, med hovudvekt på Luster kommune og Stryn kommune. Tal dyr som oppheld seg her er usikre, og det er i tillegg jamleg vandring mellom region 1 og nærliggjande kommunar i region 3 (Oppland) og region 6 (Møre og Romsdal og Trøndelag). Ut frå tala til SNO er det på bakgrunn av DNA-prøver grunn til å tru at det er 8-10 jerv i den nordlege delen av region 1. Det er elles i vinter/vår registrert/dokumentert jerv i kommunane Sunnfjord, Stryn, Luster, Lærdal, Årdal, Aurland, Eidfjord, Ullensvang, Sauda, Suldal, Hjelmeland, Flekkefjord, Lyngdal, Lindesnes og Sirdal. Det har vore relativt stor aktivitet og i den sørlege delen av regionen. Det er grunn til å tru at rundt 4-6 dyr held seg i denne sørlege delen av region 1. Som nemnd før er tala usikre.

Tal ynglingar i landet ligg over det nasjonale bestandsmålet, og er rekna til å vere litt over 350 vaksne individ i gjennomsnitt dei siste tre åra. Bestanden er rekna til å vere stabil.

I 2025 vart det i regionen vår dokumentert ni jerveskader i Luster kommune, fire i Hjelmeland, tre i Stryn, ein i Voss og ein usikker i Etne.

Så langt i 2026 er det pr. 28. mai registrert ni sikre rovviltskadar, alle av kongeørn, i Askvoll (3) i Flekkefjord (3) i Etne (1) i Bjerkreim (1) og i Lund (1). Ingen andre rovdyrskadar er registrert, men det er tidleg i beitesesongen.

Sekretariatet si vurdering

Den nasjonale bestanden av jerv ligg noko over bestandsmålet, og er rekna å vere stabil. Tal ynglingar har vore over det nasjonale bestandsmålet dei siste åra med 45 ynglingar i 2022, 64 i 2023, 61 i 2024, og 51 i 2025. Tal ynglingar vil variere kvart år, alt etter kor mange av tispene som går til yngling. Det er ikkje regelen at dei ynglar kvart år.

På den eine sida er det viktig å ha ei tilstrekkeleg kvote for å kunne ta ut jerv på lisensfelling. Det gjeld både dei dyra som kan tenkast å ha fast tilhald innanfor regionengrensa, men og dyr som nyttar grenseområde mot Oppland og Møre og Romsdal, og mot Agder/Telemark. Jerven

sin vandringskapasitet og utfordringa med å framskrive situasjonen fram til midten av februar neste år, gjer det vanskeleg å gje råd om ei talfasta kvote.

På den andre sida tilseier røynslene med lisensfelling at få dyr blir tatt ut i Region 1. Uttaket varierer mellom 0 og 1 dyr pr sesong. Det er likevel eit mål at fleire dyr skal takast ut gjennom lisensjakt, og KLD har vedteke forskriftsending for å få meir effektiv lisensjakt. KLD har og i møta med rovviltnemnda i 2025 og 2026 oppmoda om større innsats i lisensfellinga. Sogn og Fjordane har tidlegare vore med i eit prøveprosjekt med meir effektiv lisensjakt (Luster og Årdal). Prøveordninga er frå 2020/2021 gjort permanent, men utan at dette har ført til at ein større del av fellingskvoten har blitt felt. Utfordringane med vêr, klima og terreng vil framleis vere største hindera for felling i vår region. Kvotefastsetting er uttrykk for eit maksimalt forsvarleg uttak, der førekomst og skadepotensiale blir vurdert opp mot bestanden si evne til overleving på lang sikt. Sjølv om førekomsten av jerv er spreidd, vurderer vi sjansen for innvandring framleis som størst i Indre Sogn og Nordfjord (Stryn) i Vestland. Ut frå observert jerv i vinter og vår vil skadepotensiale vere størst i Indre Sogn i Årdal, Luster og Stryn, og i områda Ullensvang/Sirdal/Suldal/Hjelmeland kommunar i sør.

Som for ulv er det først og fremst skadepotensialet som er avgjerande for om det blir tilrådd kvote for lisensfelling. Erfaringa gjennom mange år med jerv og jerveskader viser at skadeomfang kan bli betydeleg dersom det er jerv i beiteområda. Når bestanden av jerv er over bestandsmålet er lisensfelling i tråd med rovviltforliket av 2011, rovviltforskrifta § 10, jf. § 7 og naturmangfaldlova § 18 første ledd bokstav c. Vilkår for lisensfellinga er i samsvar med regional forvaltningsplan, jf. rovviltforskrifta § 6.

I 2026 er det registrert seks ynglingar i tidlegare Oppland fylke så langt. Bestandsmålet for fylket er fire ynglingar pr. år. Det er frå Innlandet (Oppland) jervane stort sett vandrar inn, og vedtaka og forvaltninga der har såleis stor innverknad på region 1, spesielt for Vestland, men og lenger sør. Det er vidare slik at det er dei mange ekstrauttaka både av hi og enkeltdyr i den nordlege delen av Vestland som gjer at regionen har hatt eit rimeleg lågt skadeomfang dei siste åra. Ekstraordinære uttak i vinter i region 1, med tre vaksne hanndyr i Luster kommune vil truleg ha avgrensa verknad på skadeomfang/skadepotensialet i regionen.

Framlegg til vedtak

1. Rovviltnemnda opnar for lisensfelling av jerv i perioden 20.08.2026 – 15.02.2027. Til saman kan det fellast 8 jervar i heile Region 1. Irregulær avgang eller skadefelling gjennomført etter nemnda/Miljødirektoratet sitt vedtak blir belasta kvoten.

2. Desse bestemmelsane gjeld for lisensfellinga:

- Oppdatert informasjon om kvote blir lagt ut på tlf. 51568900. Alle jegerar pliktar å halde seg orienterte om kvoten som er att.

- Felt dyr skal straks meldast til Statsforvaltaren og Statens naturoppsyn. Felt dyr skal synast fram for Statens naturoppsyn for kontroll. Den som skyter på jerv utan at han blir felt plikter å melde frå straks til Statsforvaltaren og næraste politimynde. Statsforvaltaren avgjer korleis det vidare ettersøket skal gjennomførast.

- Hagle og rifle er tillatt ved lisensfelling på jerv. Sjå elles viltlova sine bestemmelsar for mellom anna utøving av jakt, felling og fangst (forskrift av 22.mars 2002, sist endra

24.11.2023).

- Det er høve til bruk av båas til fangst av jerv dersom det etter søknad blir gitt løyve til det av Statsforvaltaren.

- Lisensfelling er knytt til eigedomsretten til jakt og fangst. Løyve frå jaktrettshavar til lisensfelling er difor naudsynt.

- Statsforvaltaren administrerer lisensfellinga

Vedtak: Samrøystes vedteke.

Vedtaket i saka blir sendt ut som eiga brev, med klagerett.

Sak 05/2026 Lisensfelling av ulv

Saksopplysningar

Nasjonalt forvaltingsmål for ulv er 4-6 årlege ynglingar i pr. år, der minst tre skal vere heilnorske ynglingar. Også ynglingar utanfor ulvesona skal telle med, og grenserevir skal telle med, med ein faktor på 0,5. Bestandsmålet (3 heilnorske ynglingar/år) har vore nådd dei siste åra. Registreringane viser at det er fødd tre ulvekull i heilnorske revir i 2024/2025, i tillegg tre i grenserevir. Dette gjev til saman 4,5 ulvekull i Noreg i fjor. I vinteren 2025/2026 er det påvist yngling i to heilnorske revir og i tre grenserevir mot Sverige. Det blir omrekna til 3,5 ynglingar i år som er under bestandsmålet. Dette er første gong på 11 år at bestanden er under målet. Tendensen er at tal ulvar blir færre i Noreg.

Den siste felte ulven i region 1 var i Hyllestad i Vestland 15.01.2021. I tillegg ble det felt ein ulv i Lund i Rogaland 16.10.2020. Begge var hannulvar.

Statens naturoppsyn har ikkje registrert sikre observasjonar av ulv i region 1 i vinter/vår. Dei siste sikre observasjonane i vår region er framleis frå Vennesla i 2024.

Sekretariatet si vurdering

Når bestanden av ulv er under bestandsmålet og det er færre ulvar i bestanden, er sjansen for at det vil kome streifande ulvar til region 1 mindre i tida framover. Det er som nemnd ei nedgang i tal ulvar i 2025/2026 i Noreg, og bestandsmålet er ikkje nådd. Endelege tal for bestanden blir klar i byrjinga av juni. Til vanleg vil ikkje eit vedtak om felling av streifande ulv i region 1, i hovudsak hannulv, ha innverknad på utviklinga av den norske ulvebestanden. Det skal så langt som mogleg unngåast å felle genetisk viktig ulv, jf. skriv frå Miljødirektoratet 09.05.2025. Om ulven er genetisk viktig kan avklarast ved DNA-analyser.

Det er skadepotensialet ein ulv vil ha i region 1, i tillegg til bestandsutviklinga i bestanden av ulv, som er avgjerande for tilrådinga om lisensfellingkvote. Region 1 er svært viktig for beitenæringa, og erfaringa med ulv dei siste åra, seinast frå 2024, tilseier at skadeomfanget kan vere stort. Lisensfelling er ikkje i strid med naturmangfaldlova (nml) § 18, og det er i tråd med rovviltforliket av 2011, med seinare tillegg for ulv. Det er og i tråd med rovviltforskrifta § 10, jf. §§ 6 og 7, og er i samsvar med regional forvaltningsplan. Framlegget til vedtak bygger på kunnskapsgrunnlaget (nml § 8) for ulv som er ekstremt godt.

Rovviltregionen vår har ikkje egne bestandsmål verken for ulv eller dei andre rovdyra. Det betyr likevel ikkje at vi ikkje skal ta omsyn dersom bestandar ligg under det nasjonale bestandsmålet, slik tilfellet no er for ulv. Det er dokumentert færre ulvar og færre ynglingar noko som tilseier at region 1 og må vere varsame ved tildeling av kvotar. Det er naturleg her å vise til § 9 i nml.(føre-var-prinsippet) og § 10 i nml. (økosystem og samla belastning).

Rovviltnemnda har i sak 02/2026 tildelt ein kvote på to ulv for perioden 01.06.2026 – 15.02.2027. Dette er betinga skadefellingsløyve som statsforvaltarane administrerer og som kan utløysast ved akutte skader frå ulv. Dette er, etter sekretariatet sitt syn, eit godt reiskap som kan trygge beitesesongen om det oppstår slike akutte skadar.

Framlegg til vedtak

Rovviltnemnda opnar ikkje for lisensfelling av ulv i inneverande periode, 1. desember 2026 – 31. mai 2027.

Vedtak: Samrøystes vedteke.

Vedtaket i saka blir sendt ut som eiga brev, med klagerett.

Sak 06/2026 Eventuelt

- Medlem Harald Halvorsen Løland referte kort frå dialogmøtet på Gardermoen. Region 1 hadde ikkje eiga innlegg på dette møtet. Lærerikt møte.
- Sekretariatet v/Bøthun orienterte om det pågåande jerveprosjektet som NINA har i Nord-Gudbrandsdalen. Tre jerv er GPS merka for å følgje aktiviteten deira framover, knytt til predasjon på sau m.m. Ein av jervane har om lag halvparten av leveområdet sitt inne i Vestland i Luster kommune. NINA har god dialog med beitenæringa, og vil opprette kontakt/dialog med Luster.

Med helsing

Noralv Distad
leiar for rovviltnemnda